

Chi bira xcub nambi chiínii bldesba
laabi, rapyba lobi:

—Dá bez, da ta guicau mim, ta chaza
guniia mandad.

Chiínii blaba laabi bcúababi tichba ta
chazaru gumba mandad. Laabi rquitládxbi
cuabi xmim xnambi.

Ra bdósin cudaddxiichdó guicane
bniaty laarabi.



Chi laa bdó bdxin guidxliu nadyrulo
nadyruxnez rquitládx ra xtadbi. Zacrudux
nabi, ne gratí ra binsaa ra xtadbi
rquitladxduxraba riatixloraba laabi ne la
xnambi. Ne gratí raba gunchiíduxraba laabi.




Chi labi bzulo rzamubi, chiísín cun
cudadtíp cuane xnambi laabi.

Tulaa zii bímba, bzúbba laabi laniude
dubla ni cayuutba, chi gubiiaba rmu rmubi
labi ya zebíg ro de, chiínii rapyba lobi:

—Úy, naldaa ro de, yoo lo xtaau tad
cheequiiu, yoo ta chií gnedxaa cha bíd gau.

Chiínii luegw guba guazúbba laabi lo
daagurtily ne bluuba tu bíd nabi.



Druyii cuabybi bzubdxibi chi gumbi laa
tu guidii biuti laniiu. Zicni biutíma luegw
gu nanii bcualdiba dru cubii loma, ne zicni
gumbi zii, chiínii rmu rmubi gubi axta rot
zuma cayauma, luegwsí blabi cub guía
roobi. Zicni gun xnambi zii chiínii luegw
rapyba lobi:

—iEe!, adgaudinií tad xi gunnenií líi.
Bcualdinií ta chií gnedxaa lday maai gau.

Chiínii guba bldesba laabi guazúbba
laabi lo daa stulaa, chiíni bluuba lday bél
nábi.

